

HAYA MAS PA BO PLACA!



Premium Fridge	344,50	TV Wall Bracket 23" - 55"	18,02	Mugs / Plates Set	25,44	Bamboo Cutting Board	6,89	20" Stove	418,70	Stand Mixer	74,20	Immersion Blender	31,80
Steam Iron	26,50	Electric Kettle	29,15	Premium Double Burner	58,30	TV Wall Bracket 14" - 32"	15,37	Microwave Oven	159,00	Toaster	26,50	Kettle (Chrome)	21,20
Premium Single Burner	37,10	Kitchen Knife Set	29,70	Premium Fridge	630,70	Full Motion TV Wall Bracket 32" - 70"	74,20	24" Stove	556,50				

Price Hacker

SCHOTLANDSTRAAT 40
HABRI DI DIALUNA PA DIASABRA DI 9:00AM - 6:00PM
582-4148

Rotary Club Aruba a instala directiva nobo pa 2020-21



ORANJESTAD (AAN): Diasabra siman pasa Rotary Club Aruba a instala su directiva nobo pa 2020-21. Presidente saliente América Barrios a hiba un discurso pa asina duna un relato di su aña. Na final un aña sigur diferente door di e pandemia di covid-19 cu a afecta nos isla. América ta sumamente orguyoso di e miembronan cu a sa di yuda na unda cu por pa asina Rotary Club Aruba por a duna su aporte y sosten na e fundacion nan cu awor mas cu nunca mester ayudo. Durante e anochi di instalacion, América a hasi entrega tambe di reconocimiento na un paar

di miembro di Rotary Club Aruba cu a destaca durante e aña. E miembronan aki a ricibi un "Paul Harris" pin como aprecio. E miembro nan ta Shelby Maduro y Don de Veer cu a ricibi e pin di "Paul Harris, sapphire". Alex Nieuwmeier, kende a ricibi un condecoracion siman pasa di "Ridder in de Orde van Oranje-Nassau", a ricibi tambe un "Paul Harris, double sapphire" pin, pa su trabao y esfuerso pa nos comunidad durante e añanan. E anochi a sigui cu instalacion di e directiva nobo bao di guia di Geert Rep, kende a wordo apunta como e siguiente presidente di Rotary Club Aruba pa aña 2020 - 2021. Geert ta miembro di Rotary Club Aruba desde 2011. E otro miembronan di directiva a keda como lo siguiente: Milton van Brussel (secretaria), Diego Acevedo (tesorero), América Barrios (presidente saliente), Frederick Nuboer (vice



presidente), Sanju Luidens-Daryanani (relacionista publico), Rubiela Lampe-Chiquito (miembrecia), Ferdinand Rahusen (proyectonan), Robert Curtis (Fundacion Rotary International) y Norman Henriquez (sergeant at arms). President Geert a hiba palabra gradiciendo América y e directiva saliente pa e bon trabao. Durante su presentacion Geert a enfoca ariba e tema di Rotary International pa e aña aki, cual ta "Rotary Opens Opportunities". E tema aki tin un impacto mas grandi cu nos por pensa. Y

cu den e tempo dificil aki nos como miembro mester ta flexibel y pensa diferente y yuda unda cu nos por. E directiva e aña aki lo kier focus ariba un proyecto di prevencion di obesidad den nos muchanan. A lanta un comite special pa esaki cual ta jama "Movement". E comite aki lo tin e tarea pa plania y implementa e proyecto aki den nos comunidad. Por ultimo Geert a pone enfasis ariba e famia di Rotary na Aruba cu ta uno cu e crece e ultimo aña nan, nos tin un Rotaract Club cu 31 miembro, Interact Club

na Schakel College cu 41 miembro y 9 miembro na e Interact Club nobo di Colegio Arubano. Hunto cu Rotary Club Aruba esaki ta un total di 136 miembro di e famia di Rotary aki na Aruba. Esaki ta significa cu hunto nos por hasi un impacto grandi y positivo den nos comunidad. Asina aki Rotary Club Aruba ta uni su mes na tema internacional, "Rotary Opens Opportunities".

Geert kier a duna un danki na e comision cu a organisa e anochi bunita aki y sin laga afo e staff di Divi Resorts y Tamarijn.